

AKHBAR : BERITA HARIAN

MUKA SURAT : 14

RUANGAN : PRIHATIN

SSM serah mesin haemodialisis kepada HRPB



Henry (dua dari kiri) bersama Zahrah (kiri) dan Dr Premavathy (kanan) melawat pesakit buah pinggang, Teoh Ah Bee selepas majlis Penyerahan Sumbangan Mesin Haemodialisis kepada Hospital Raja Permaisuri Bainun, Ipoh, kelmarin.

lain, terutama di bawah kementerianya.

"SSM tidak lupa tanggungjawab sosial korporat (CSR) dalam membantu golongan memerlukan. Inilah masanya kita menghulurkan bantuan dan mensyukuri nikmat diberikan kepada kita."

Contoh usaha SSM

"Saya berharap pihak lain mencontohi SSM terutama agensi di bawah KPDNKK yang boleh turut sama menjayakan aktiviti CSR berkaitan kesihatan untuk pesakit dan komuniti," katanya berucap pada majlis penyerahan bantuan itu, kelmarin.

Sementara itu, Ketua Pegawai

Eksekutif SSM, Datuk Zahrah Abdul Wahab Fenner, berkata sumbangan dua mesin dengan kos keseluruhan RM80,000 kepada HRPB adalah yang kedua oleh SSM di negeri ini.

Tingkat keupayaan hospital

Katanya, dua mesin sama sudah diserahkan kepada Hospital Selama pada 20 April lalu bersama satu mesin bagi menaik taraf sistem pemprosesan air osmosis berbalik (RO) dan satu mesin untuk menceuci mesin haemodialisis, yang keseluruhannya bernilai RM157,000.

"Setakat ini Perak negeri pertama menerima sumbangan me-

sin haemodialisis yang diserahkan kepada hospital. Kami akan melihat keperluan untuk menyuruhkan bantuan sama kepada beberapa hospital lain," katanya.

Pengarah HRPB, Dr Premavathy Balakrishnan berharap sumbangan SSM itu dapat mempertingkatkan keupayaan HRPB dalam memberi perkhidmatan kepada pesakit buah pinggang dan kegunaan komuniti.

"Bantuan itu juga platform kami memperluaskan kapasiti HRPB untuk menawarkan khidmat haemodialisis berikutkan peningkatan jumlah pesakit mendapatkan rawatan setiap hari di Pusat Haemodialisis kami," katanya.

→ Laksana tanggungjawab korporat bantu ringan beban pesakit buah pinggang

Oleh Shaarani Ismail
shaarani@bh.com.my

Ipoh

Suruhanjaya Syarikat Malaysia (SSM) menyerahtakan bantuan dua mesin haemodialisis kepada Pusat Haemodialisis Hospital Raja Permaisuri Bainun (HRPB) bagi membantu merawat pesakit buah pinggang di hospital berkenaan.

Sumbangan diserahkan Timbalan Menteri Perdagangan Dalam Negeri, Koperasi dan Kepenggunaan (KPDNKK), Datuk Henry Sum Agong yang berharap inisiatif itu turut dicontohi agensi

PTPTN yakin sasaran kutip RM4b dapat dicapai

[FOTO D J DOLASOH/BH]



Dr Shamsul Anuar (dua dari kiri) menandatangani plak di bilik kemudahan asas sumbangan PTPTN di Klinik Kesihatan Lenggong, semalam.

Lenggong: Perbadanan Tabung Pendidikan Tinggi Nasional (PTPTN) yakin sasaran kutipan bayaran balik pinjaman sebanyak RM4 billion tahun ini akan tercapai.

Pengerusinya, Datuk Dr Shamsul Anuar Nasarah, berkata ini kerana pelbagai usaha dilakukan bagi mendapatkan balik pinjaman itu sejak beberapa tahun lalu hingga kutipan mencatat RM3.4 billion tahun lalu berbanding sasaran RM2 billion.

"Kita yakin mampu mengutip semula pinjaman diberikan sebanyak RM4 billion dan berharap peminjam memberi kerjasama bagi memastikan lebih ramai berpeluang belajar ke peringkat lebih tinggi," katanya selepas menyampaikan sumbangan tanggungjawab sosial korporat (CSR) PTPTN iaitu peralatan katil pesakit, sudut bacaan dan permainan ka-

nak-kanak bernilai RM20,000 kepada Klinik Kesihatan Lenggong di klinik berkenaan, di sini, semalam.

Budaya amalan menabung

Yang turut hadir, Timbalan Ketua Eksekutif (Dasar dan Operasi) PTPTN, Mastura Mohd Khalid; Pengurus Besar Kanan, Jabatan Permasaran dan Komunikasi Strategi PTPTN, Abdul Ghaffar Yusop; Timbalan Pengarah (Pengurusan) Jabatan Kesihatan negeri, Dr Muaz Zawawi; Pegawai Kesihatan Daeerah Hulu Perak, Dr Marina Kamaluddin serta Pakar Perubatan Keluarga Klinik Kesihatan Lenggong, Dr Sofiah Zainal Abidin.

Shamsul Anuar yang juga Ahli Parlimen Lenggong berkata, pihaknya juga komited terhadap sasaran 350,000 akaun baharu Skim Simpanan Pendidikan Nasional (SSPN-i) dan SSPN-i Plus tahun ini apabila

pelbagai insentif diberikan termasuk pembayaran dividen tertinggi iaitu empat peratus tahun lalu.

Beliau berkata, 2017 juga tahun penabungans apabila pelbagai program dan aktiviti PTPTN dilaksanakan supaya masyarakat membudayakan penabungan dalam SSPN-i Plus.

Galak buka tabungan

"Sebab itu, PTPTN membuat CSR dengan menyumbangkan peralatan seperti katil wad bersalin bagi meyakinkan ibu bapa supaya membuka tabungan kepada bayi mereka pada hari pertama kelaahiran lagi.

"Ini pemberian kedua selepas Hospital Sungai Buloh, Selangor sebagai simbolik menggalakkan penabungans seawal usia sehari kerana ia menjamin masa depan bayi dari segi kemudahan pembelajaran kelak," katanya.

AKHBAR : BERITA HARIAN

MUKA SURAT : 26

RUANGAN : ISU

SUSULAN BH BONGKAR

Pure Stevia tiada stevia

→ Kementerian Kesihatan arah pengeluar tarik balik produk

Oleh Fahmy Azril Rosli
fahmy.azril@bh.com.my

■ Kuala Lumpur

Kementerian Kesihatan Malaysia (KKM) mendapat sampel produk cecair pemisal semula jadi berjenama Pure Stevia, tidak mengandungi kandungan stevia, seperti didakwa pengeluarnya, VJS Cosmo Enterprise.

Ketua Pengarah Kesihatan, Datuk Dr Noor Hisham Abdullah, berkata susulan penemuan oleh Bahagian Keselamatan dan Kualiti Makanan (BKKM) itu, syarikat terbabit diarah memanggil balik produk berkenaan dari pasaran.

Tindakan mahkamah

Beliau berkata, tindakan mahkamah juga akan diambil atas kesalahan yang dilakukan syarikat berkenaan mengikut Akta Makanan 1983.

"KKM akan terus menjalankan

pemantauan terhadap produk stevia dan sekiranya didapati tidak mematuhi Akta Makanan 1983, tindakan penguatkuasaan akan diambil serta pengguna akan dimaklumkan.

Ancam kesihatan pengguna
KKM sentiasa peka dan prihatin terhadap perkara yang boleh mengancam kesihatan pengguna," katanya dalam satu kenyataan, petang semalam.

Dr Noor Hisham berkata, pengguna yang mempunyai sebarang kemusuikan mengenai sebarang isu keselamatan makanan, boleh menghubungi Pejabat Kesihatan Daerah atau Jabatan Kesihatan Negeri terdekat atau melayari sesawang www.moh.spab.gov.my atau facebook.BKKM.

Pada 27 Mac lalu, laporan pembongkaran BH mendedahkan, ada jenama produk cecair stevia palsu dijual dalam pasaran tempatan dipercayai dihasilkan dalam negara dan dijual secara jualan langsung,

pemasaran pelbagai peringkat (MLM) atau secara dalam talian.

BH melaporkan, sekumpulan penyelidik Universiti Tun Hussein Onn Malaysia (UTHM) dan Universiti Putra Malaysia (UPM) mengesahkan terdapat kombinasi bahan kimia berbahaya yang boleh memudaratkan kesihatan.

Ujian makmal terhadap 10 sampel cecair stevia itu menemui Pyridazinone yang boleh menyebabkan keradangan kulit, mata dan alihan pernafasan, Piperazine jika diambil berlebihan boleh menyebabkan muntah, cirit-bitit serta kerumungan dan cycloproparecarboxamide yang boleh mengakibatkan keradangan.

Lebih memerlukan, kandungan lima daripada sampel berkenaan juga didapati sama, walaupun dijual dengan jenama berbeza. Susulan pendedahan BH, KKM melancarkan siasatan dan pemantauan selepas mengambil keterangan daripada penyelidikan UTHM.



sekiranya didapati tidak mematuhi Akta Makanan 1983, tindakan penguatkuasaan akan diambil serta pengguna akan dimaklumkan"

*Dr Noor Hisham Abdullah
Ketua Pengarah Kesihatan*

AKHBAR : HARIAN METRO**MUKA SURAT : 11****RUANGAN : SETEMPAT**

Siasat jika murid tahniz meninggal hidap penyakit lain

Kementerian Kesihatan akan melihat sama ada murid tahniz, Mohamad Thaqif Amin Mohd Gaddafi yang meninggal dunia jam 2.05 petang di Hospital Sultan Ismail (HSI) Johor Bahru menghidap penyakit lain.

Sehubungan itu, Menterinya Datuk Seri Dr S Subramaniam berkata, pihak kementerian perlu menunggu laporan penuh berhubung punca kematian mangsa daripada pihak hospital, sebelum membuat

sebarang kenyataan lanjut.

"Biar saya menerima laporan penuh terlebih dulu mengenai kes ini dan seperti laporan sebelum ini, ada bukti seperti kecederaan, pendarahan di bawah kulit dan jangkitan dialami mangsa.

"Pihak pengamal perubatan melakukan sedaya upaya, namun mangsa tidak dapat diselamatkan," katanya pada sidang media di sini, semalam.

Dalam pada itu, Dr Subramaniam berkata, pihaknya akan memberi kenyataan berhubung punca kematian mangsa dalam tempoh dua minggu selepas mendapat laporan penuh dari hospital.

Sementara itu, beliau berkata, kes penderaan kanak-kanak perlu dipandang berat oleh semua pihak bertanggungjawab termasuk sekolah, institusi agama serta Jabatan Kebajikan Masyarakat (JKM).

AKHBAR : HARIAN METRO

MUKA SURAT : 36

RUANGAN : SETEMPAT

Jangan cari penyakit

■ 10 peratus ibu bapa pandang remeh keperluan vaksin untuk anak

Hamizah Badran
hamizah@hmetro.com.my

Statistik Tinjauan Kesihatan dan Morbiditi Kebangsaan 2016 mendedahkan 10 peratus ibu bapa di Malaysia menolak pemberian vaksin kepada anak mereka sedangkan kegagalan itu menyebabkan anak-anak lebih mudah terkena penyakit berjangkit seperti difteria dan demam campak (measles).

Mengambil difteria sebagai contoh, ia disebabkan bakteria 'Corynebacterium diphtheriae' yang mudah tersebar melalui tuisan cecair pernafasan apabila seseorang itu dijangkiti batuk bersin atau bercakap.

Bakteria berkenaan menghasilkan toksin yang

menyebabkan keradangan di sekitar tekak dan leher sehingga pesakit sukar bernafas dan menelan.

Pakar Perubatan Kesihatan Awam, Bahagian Kawalan Penyakit, Kementerian Kesihatan Malaysia (KKM), Dr Rohani Jabis berkata, selaput lembui berwarna kelabu atau putih di sekitar tekak akan terbentul yang menyebabkan pesakit sukar bernafas dan menelan selain Bengkak pada kelenjar leher.

"Kami menyokong vaksin difteria diberikan kepada semua bayi dan kanak-kanak kerana kadar kematian akibat jangkitan difteria yang dilaporkan di Malaysia adalah tinggi."

"Tahun lalu, sebanyak 31 kes jangkitan difteria dilaporkan di Malaysia dan daripada jumlah itu, lima

kematian direkodkan," katanya.

Menurut Dr Rohani, jika kanak-kanak tidak diberi vaksin atau tidak menerima sekurang-kurangnya tiga dos vaksin, mereka mudah terkena penyakit itu.

Namun, jika kanak-kanak itu menerima sekurang-kurangnya tiga dos vaksin difteria, peluang untuk dijangkiti penyakit difteria serius adalah tipis.

"Ibu bapa di negara ini beruntung kerana mereka boleh mendapatkan suntikan imunisasi melawan difteria secara percuma di klinik kesihatan awam pada usia bayi dua, tiga dan lima bulan.

"Dos tambahan seterusnya akan diberi ketika usia 18 bulan dan tujuh tahun," katanya.

Walaupun kerajaan menyediakan vaksin difteria

percuma untuk bayi yang dilahirkan di Malaysia buat sekian lama dan jumlah kes membatitkan penyakit berjangkit itu semakin menurun, kes masih berlaku dari semasa ke semasa.

Selain itu, kecenderungan ibu bapa terikut-ikut pandangan dan kepercayaan salah berkaitan vaksin turut membimbangkan.

"Ada menganggap vaksin itu mengandungi bahan terlarang dan kepercayaan salah berkaitan vaksin turut membimbangkan.

"Ada mengamalkan perubatan homeopati dan naturopati serta menolak vaksin dan ada juga yang terlalu sibuk sehingga terlupa atau tidak mengikut jadual pemberian suntikan imunisasi yang ditetapkan untuk anak mereka," katanya.

Justeru, beliau menasihati

VAKSIN diberikan kepada bayi untuk mengurangkan risiko anak terkena penyakit berjangkit.



AKHBAR : HARIAN METRO**MUKA SURAT : 50****RUANGAN : SETEMPAT****SUSULAN TULAR HINI****Wanita kerana komplikasi jantung, bukan Influenza A**

Wanita berusia 59 tahun yang punca kematianya di Hospital Sultanah Nur Zahirah (HSNZ), di sini, tular di media sosial disebabkan Influenza A (HINI) disahkan meninggal dunia akibat komplikasi jantung.

Jabatan Kesihatan Negeri Terengganu (JKNT) menafikan dakwaan seperti yang tular di media sosial sama seperti menantu wanita itu yang meninggal dunia di hospital sama 13 April lalu.

Pengarah Jabatan Kesihatan Negeri, Dr Mohammad Omar berkata, mangsa dari Kampung Pulau Musang itu disahkan meninggal dunia pada jam 8.10 pagi semalam akibat komplikasi jantung disebabkan penyakit kencing manis, darah tinggi dan kegagalan buah pinggang.

Menurutnya, mangsa yang pernah menjalani rawatan dialisis akibat kegagalan buah pinggang mengalami 'cerebral infarction' sehingga menyebabkannya koma.

"Kematian mangsa tiada kaitan dengan virus HINI walaupun sebelum ini dia mendapat jangkitan HINI bersama menantunya yang meninggal dunia pada 13 April lalu.

"Mangsa dimasukkan wad sejak 10 April lalu kerana masalah pernafasan dan penyakit kronik dihadapinya. Dengan rawatan anti-viral 'tamiflu' selama lima hari, mangsa pulih sepenuhnya daripada virus HINI.

"Semua pihak diharapkan tidak keliru dengan spekulasi yang disebarluaskan menerusi media sosial," katanya.

Pada 13 April lalu, JKNT mengesahkan seorang wanita mengandung meninggal dunia akibat HINI seperti mana yang tular dalam media sosial sebelum itu.

Wanita itu dimasukkan ke Unit Rawatan Rapi (ICU) HSNZ pada 7 April selepas seminggu demam dan meninggal dunia enam hari kemudian.

AKHBAR : SINAR HARIAN
MUKA SURAT : 42
RUANGAN : SABAK BERNAM

Manfaatkan Klinik Berhenti Merokok

SABAK BERNAM - Masyarakat disarankan memanfaatkan sepenuhnya perkhidmatan Klinik Berhenti Merokok yang disediakan Kementerian Kesihatan di hampir sedap klinik kesihatan di seluruh negara ini.

Pengarah Kesihatan negeri, Datuk Zailan Adnan berkata, perokok hendaklah mempunyai kezamanan dan komitmen yang tinggi untuk berhenti merokok demi kebaikan dan kepentingan kepada kesihatan diri sendiri, keluarga dan seterusnya masyarakat.

"Ini selaras dengan usaha Program Komuniti Sihat Perkasa Negara (Kospen) yang melaksanakan kempen Rumah Bebas Asap Rokok

dan Kedai Bebas Asap Rokok," katanya ketika berucap pada Pesta Konvensyen Program Kospen Negeri Selangor di Dewan Seri Bernam di sini.

Bagaimanapun, Zailan berkata, bilangan yang ingin dirujuk untuk perkhidmatan Klinik Berhenti Merokok tersebut adalah sebanyak hanya 1,614 orang atau 3.8 peratus.

"Kita harap jumlah yang ingin dirujuk ini dapat ditingkatkan di samping peratusan yang tinggi hasil saringan dijalankan bagi berat badan dan kandungan gula darah itu perlu diambil serius oleh semua pihak untuk mengelak komplikasi penyakit," katanya.

Beliau berkata, Kospen

yang diperkenalkan Kementerian Kesihatan Malaysia pada 2013 adalah transformasi perkhidmatan kesihatan awam untuk mendekatkan dan meluaskan penglibatan masyarakat dalam program kesihatan awam bagi meningkatkan mutu kesihatan rakyat Malaysia.

"Kospen turut mendapat sokongan dan kerjasama erat daripada Kementerian Luar Bandar dan Wilayah melalui Kemas dan JPNIN dalam menjalankan programnya.

"Tiga strategi utama program Kospen iaitu meningkatkan kesedaran komuniti tentang penyakit tidak berjangkit, menterjemahkan pengetahuan kesihatan kepada perubahan tingkah laku



Sebahagian peserta perarakan yang mewakili lokaliti Kospen setiap daerah yang mengambil bahagian pada Pesta Konvensyen KOSPEN Negeri Selangor di Dewan Seri Bernam.

dan mewujudkan persekitaran yang menyokong gaya hidup yang sihat berdasarkan.

Menurutnya, tema pesta 'Kekal Sihat Sepanjang Hayat' dipilih bagi mengangkat usa-

ha Kospen dalam jangka masa panjang untuk mengurangkan beban penyakit tidak berjangkit serta kematian akibat daripadanya.

"Beban penyakit yang

tinggi bukan sahaja mengancam kesejahteraan dan kesihatan individu tetapi juga mengancam kestabilan ekonomi dan kesejahteraan negara," katanya.

AKHBAR : SINAR HARIAN
MUKA SURAT : 50
RUANGAN : DARI TERENGGANU

Kematian bukan sebab H1N1

KUALA TERENGGANU

- Jabatan Kesihatan Negeri mengesahkan kematian seorang warga emas di Unit Rawatan Rapi (ICU) Hospital Sultanah Nur Zahirah (HSNZ), pagi semalam disebabkan komplikasi penyakit, bukan akibat Influenza A (H1N1) sebagaimana tular di laman sosial.

Pengarah Kesihatan Terengganu, Dr Mohammad Omar berkata, warga emas berusia 59 tahun itu meninggal dunia jam 8.10 pagi, disebabkan komplikasi jantung akibat dari beberapa penyakit kronik yang dihidapi sebelum ini.

"Mangsa mengalami beberapa penyakit kronik seperti kencing manis (diabetes), darah tinggi, dan kegagalan buah pinggang.

"Mangsa telah menjalani rawatan dialisis serta *cerebral infarction* pada otak yang membuatkan beliau tidak sedarkan diri (koma). Kematian ini bukan kerana H1N1 seperti yang ditularkan," katanya menerusi kenyataan, di sini, semalam.

Menurut Mohammad, mangsa secara kebetulan mendapat jangkitan H1N1 bersama menantunya yang sama-sama dimasukkan ke wad pada 10 April lalu.

Katanya, menantunya meninggal dunia akibat H1N1 pada 13 April, namun mangsa dirawat akibat masalah pernafasan dan pelbagai masa-lah penyakit kronik di hospital berkenaan.

Katanya, dengan rawatan *anti-viral Tamiflu* selama lima hari, penyakit H1N1 beliau sebelum ini disahkan telah pulih sepenuhnya.

"Kematian beliau pagi ini (semalam) tidak ada kena mengena dengan H1N1. Diharap semua pihak tidak terkeliru dengan spekulasi yang disebarluaskan menerusi media sosial," katanya.



Laporan Sinar Harian pada 17 April lalu yang menyatakan tentang wanita hamil yang meninggal dunia akibat H1N1.

AKHBAR : UTUSAN MALAYSIA
MUKA SURAT : 4
RUANGAN : DALAM NEGERI

Punca kematian akan diumum

PUTRAJAYA 26 April - Kementerian Kesihatan akan mendekahkan punca atau komplikasi yang menyebabkan kematian pelajar madrasah tafzil swasta, Mohamad Thaqif Amin Mohd. Ghaddafi sejurus laporan penuh dilengkapkan.

Menterinya, Datuk Seri Dr. S. Subramaniam berkata, pihaknya juga perlu meneliti laporan itu terlebih dahulu untuk menentukan jika mangsa pernah menghadap penyakit lain.

"Namun perkara seumpama ini memerlukan siasatan terperinci. Saya masih tiada maklumat, kita memerlukan laporan penuh daripada pihak Hospital

Sultan Ismail (HSI).

"Saya belum menerima laporan penuh, tetapi sebelum ini telah ada bukti-bukti kecederaan, pendarahan di bawah kulit, darah beku dan jangkitan kuman, jadi ini antara kemungkinan-kemungkinannya," katanya.

Beliau berkata demikian ketika ditemui pemberita sebelum mempengerusikan mesyuarat pasca kabinet peringkat kementeriannya di sini hari ini.

Subramaniam berkata, bedah siasat turut dilakukan terhadap mayat Mohamad Thaqif Amin bagi mengenal pasti punca kematian..

AKHBAR : UTUSAN MALAYSIA**MUKA SURAT : 31****RUANGAN : DALAM NEGERI**

309 restoran kotor dikompaun

KUALA LUMPUR 26 April - Sebanyak 309 kompaun dikeluarkan kepada pengusaha premis makanan di negara ini dari Januari hingga Mac lalu berikutan gagal mematuhi keperluan Peraturan-peraturan Kebersihan Makanan 2009 dibawah Akta Makanan 1983.

Kesalahan itu turut melibatkan kegalilan pekerja asing yang bekerja sebagai pengendali makanan mendapat suntikan antimalaria dan tidak menghadiri latihan seperti diperuntukkan dibawah akta tersebut.

Timbalan Menteri Kesihatan, Datuk Seri Dr. Hilmi Yahaya berkata, menerusi pemantauan oleh pihaknya sepanjang tempoh bberapa, sebanyak 4,830 pekerja asing diperiksa semasa pemerik-

saan premis makanan dijalankan.

Menurutnya, daripada jumlah tersebut, didapati 905 orang iaitu 18.7 peratus tidak mendapat suntikan antimalaria dan 1,145 lagi (23.7 peratus) tidak menghadiri latihan pengendali makanan.

"Kementerian Kesihatan memandang serius isu tahap kebersihan di premis makanan termasuk berkaitan tahap pematuhan pengendali makanan terutama pekerja asing.

"Dengan peningkatan aktiviti penguatkuasaan oleh pihak kami dari semasa ke semasa, adalah diharapkan tahap kebersihan premis makanan di seluruh negara akan turut meningkat," katanya menjawab soalan Senator Datuk Jamilah Sulaiman ketika sesi soal jawab dalam sidang Dewan Negara hari ini.

**HILMI YAHAYA**

AKHBAR : SINAR HARIAN
MUKA SURAT : 52
RUANGAN : DARI KELANTAN



Laporan Sinar Harian, kelmarin.

GUA MUSANG - Bukan sahaja melecur di seluruh badan, gadis yang menderita penyakit misteri ini juga sudah tidak mampu berjalan selepas kakinya membengkak.

Melihatkan keadaan Nur Aini Farhanum, 19, atau lebih dikenali Anum yang semakin teruk, keluarganya sepakat untuk membawanya mendapatkan rawatan di Hospital Gua Musang.

Bapanya, Muhamed Awang, 68, berkata, sebelum ini, anaknya itu dirawat di Hospital Serdang, Selangor dan doktor mengesahkan dia ada sebarang penyakit berbahaya.

Bagaimanapun katanya, sejak dua tiga hari ini, Anum mengadu sakit kaki dan tidak boleh berpikak.

"Jadi bila kali Anum bengkak, saya rasa dia perlu dirujuk ke hospital. Sejak kelmarin, Anum terima rawatan dan mungkin esok (hari ini) Anum dibawa pulang.

"Kini doktor juga sudah periksa Anum dan dapat dia tak ada penyakit. Selepas pulang, kami nak buat rawatan Islam pula," katanya yang tinggal di Kampung Batu Papan, dekat sini.

Tambah Muhamed, akibat kesukaran untuk membawa Anum menggunakan kenderaan sendiri ke hospital, dia menghubungi Angkatan Pertahanan Awam Malaysia (APM).

Sementara itu, Pengarah Hospital Gua Musang Dr Nik Mohd Faizal Zainal Abidin, mengesahkan Anum menerima rawatan di hospital sejak kelmarin.

Bagaimanapun, ia hanya melibatkan rawatan biasa di mana pihak hospital menjalankan rawatan mencuci kesan luka tersebut.

Kelmarin, Sinar Harian melaporkan kisah Anum yang menderita penyakit misteri sejak Disember tahun lalu dan mula merebak sehingga membuatkan gadis ini terlantar kesakitan.

Disebabkan ibunya sudah meninggal dunia hampir tiga tahun lalu, Anum diuruskan oleh bapa dengan bantuan kakak ipar dan ibu saudaranya.

Sesiapa yang ingin menyumbang, boleh hubungi Muhamed di talian 013-7682210, atau salurkan bantuan ke akaun miliknya, Agro Bank 2001731000122473.

